

Komisija da raspodjeli novac HDZ-a građanima

Visoki predstavnik Paddy Ashdown uputio je dopise premijeru Zapadno-hercegovačkog kantona Viktoru Lasiću, ministru financija Srednjobosanskog kantona Josipu Kvasini, i premijeru Kantona 10 Stipi Pelivanu, u kojima je naveo kako će se izvršiti preraspodjela sredstava stečenih kao rezultat smanjenja proračunskih sredstava namijenjenih za stranačko financiranje HDZ-a u njihovim kantonima.

Ukupan iznos dobiven smanjenjem ovih sredstava namijenjenih HDZ-u u pomenutim kantonima iznosi 140.000 KM:

- 100.035 KM, odnosno 65% javnih sredstava izdvojenih za HDZ u Kantonu 6
- 29.565 KM, odnosno 20% javnih sredstava izdvojenih za HDZ u Kantonu 8
- 10.400 KM, odnosno 20% javnih sredstava izdvojenih za HDZ u Kantonu 10

Visoki predstavnik je u svojim dopisima istakao kako se akumulirani iznos sredstava prikupljenih po osnovu finansijskih kazni od HDZ-a treba iskoristiti za unapređenje europskih standarda u obrazovanju u ovim kantonima. Visoki predstavnik dao je naputke kantonalnim vladama da uspostave privremene komisije, pod predsjedavanjem kantonalnih ministara obrazovanja, u čijem radu bi sudjelovali državni službenici i istaknuti prosvjetni radnici. Ove komisije prikupljat će ponude za financiranje posebnih projekata ili nabavki od škola, humanitarnih organizacija koje djeluju u oblasti školstva ili drugih institucija koje rade s učenicima, ili zastupaju njihove interese, u kantonu.

“Nakon što primi i procijeni prijave, Komisija će odlučivati o tome za koje će projekte biti odobrena novčana sredstva, i u

kojem iznosu. Komisija će sama odlučivati o procedurama i kriterijima za dodjelu sredstava, ali želio bih da OHR i OESS nadgledaju odabir komisija kako bi se osiguralo da sastav komisije odražava cjelokupnu kantonalnu strukturu, te da se u rad uključe pojedinci koji mogu donijeti odluke sukladno naprednim europskim standardima u školstvu u korist učenika, kao i obrazovnih institucija”, napisao je Visoki predstavnik.

Visoki predstavnik poziva ravnatelje škola i ostale potencijalne ponuđače da razmisle o prijavama za financiranje onih obrazovnih projekata koji se mogu podržati ovim neočekivanim sredstvima, te da pripreme prijedloge za kantonalne komisije po njihovoј uspostavi.